

敕修陝西通志

第五
函
十冊

以西通志第四十六卷

祥異一

洪範建極休咎聿徵保章星土次舍攸憑生剋相沴五行互乘鳴
岐周應聚井漢興昭應山立壺口河澄民風吏治如香上升機祥
示儆有勸有懲鑒於往昔以永凝承作祥異志第二十二

殷

祖甲二十八祀季歷生昌有聖瑞

史記周本紀

尚書帝命驗云季秋之月

甲子赤爵啣丹書入於鄆止於昌戶

本紀注

帝乙三祀夏六月周地震○八祀周文公元年有鳳集於岐山

竹書

十五祀周文公蒞國八年歲六月文王寢疾五日而地動東西南

北不出國郊羣臣皆恐請移之文王曰奈何對曰與事動衆以增
國城其可乎文王曰不可夫天道見妖以罰有罪也今又專興事

動衆以增國城是重吾罪也昌也請改行重善以移之無幾何而

疾止

韓詩外傳

帝辛十有九祀周王宅程三年遭天之大荒

汲冢

周

成王二年周公居東秋大熟未獲天大雷電以風禾盡偃大木斯拔

邦人大恐王啓金縢之書乃得周公所自以爲功代武王之說王

執書以泣曰今天動威以彰周公之德惟朕小子其親迎王出郊

天乃雨反風禾則盡起二公命邦人凡大木所偃盡起而築之歲

則大熟

尚書金縢

○三十四年雨金於咸陽

竹書

宣王三十年有兔舞於鎬京

竹書

幽王二年西周三川皆震伯陽荊曰周將亡矣夫天地之氣不失其序若過其序民亂之也陽伏而不能出陰迫而不能蒸於是有地

震今三川實震是陽失其所而填陰也陽失而在陰原必塞原塞國必亡夫水土演而民用也土無所演民乏財用不亡何待昔伊洛竭而夏亡河竭而商亡今周德若二代之季矣其川原又塞塞必竭川竭山必崩夫國必依山川山崩川竭亡國之徵也若國亡不過十年數之紀也天之所棄不過其紀是歲三川竭岐山崩

周語

○幽王時牛化為虎羊化為狼今洛南有避狼城云

述異記

平王二十四年秦文公十九年得陳寶

史記秦本紀

索隱曰太康地志云

秦文公時陳倉人獵得獸若龜不知名牽以獻之逢二童子童子

曰此名為媼常在地中食死人腦即欲殺之拍撞其首媼亦語曰

二童子名陳寶得雄者王得雌者霸陳倉人乃逐二童子化為雉

雌上陳倉北坂為石

本紀注

惠王十三年魯莊公三十年九月庚午朔日有食之劉歆以為八月

秦分○二十二年魯僖公五年九月戊申朔日有蝕之劉歆以爲

七月秦分

漢書五行志

襄王六年秦饑晉閉之糴

左傳

定王二十一年成五年梁山崩遏河水三日不流召伯尊遇輦者不

避使車右鞭之輦者曰所以鞭我者其取道遠矣伯尊因問之輦

者曰君親編素率羣臣哭之斯流矣如其言而河流

穀梁傳

靈王十九年魯襄公二十年十月丙辰朔日有食之劉歆以爲八月

秦分○二十年魯襄公二十一年九月庚戌朔日有食之劉歆以

爲七月秦分十月庚辰朔日有食之劉歆以爲八月秦分

漢書五行志

景王十四年晉昭公元年河赤龍門三里

史記晉世家

烈王七年秦獻公十六年桃冬花

秦本紀

顯王二年河赤龍門三日

竹書

秦獻公十八年雨金櫟陽

史記秦本紀

○八

年秦孝公元年彗星見西方

六國表

○二十八年秦孝公二十一年有

馬生人劉向以爲孝公始用商君攻守之法東侵諸侯其象將以

兵革抗極成功而還自害也

漢書五行志

○三十三年秦惠王二年有

新生嬰兒曰秦且王

史記秦紀贊

慎靚王元年秦孝文王五年遊胸衍有獻五足牛者劉向以爲近牛

禍也先是文惠王初都咸陽廣大宮室南臨渭北臨涇思心失逆

土氣足者止也戒秦建止奢泰將致危亡秦遂不改至於離宮三

百復起阿房未成而亡又曰牛以力爲人用足所以行也其後秦

大用民力轉輸起負海至北邊天下叛之

漢書五行志○按漢書作孝文王五年考史記

六國表孝文止一年而惠文王五年有北遊戎池事胸衍本戎池漢書孝文王疑有訛也

赧王元年梁惠王二十一年河渭絕一日

史記魏世家徐廣註

○七年秦武王

三年渭水赤者三日○十年秦昭襄王二年彗星見○十二年昭

襄王四年彗星見○十九年昭襄王十一年彗星見

秦本紀

○二十

八年昭襄王二十年秦地有父馬生駒牡馬生牛而死

秦本紀徐廣註

○

四十二年昭襄王三十四年渭水赤三日劉向以爲近火沴水也

秦連相坐之法棄灰於道者黥罔密而刑虐加以武伐橫出殘賊

隣國至於變亂五行氣色謬亂天戒若曰勿爲刻急將致敗亡秦

遂不改至始皇滅六國二世而亡昔三代居三河河洛出圖書秦

居渭陽而渭水數赤瑞異應德之效也

漢書五行志

秦
始皇初卽位冬雷

漢書五行志

○九年四月寒凍有死者

史記秦始皇本紀

○二

十六年童謠云阿房阿房亡始皇

述異記

○三十六年秋使者從關

東夜過華陰平舒道有人持璧遮使者曰爲我遺滈池君因言曰

今年祖龍死使者問其故因忽不見置其璧去使者奉璧具以聞

始皇默然良久曰山鬼固不過知一歲事也退言曰祖龍者人之

先也使御史府視璧乃二十八年行渡江所沈璧也史記秦始皇本紀

秦時狼入咸陽市洪範五行傳

二世元年宮中雨金頃刻皆化爲石述異記漢高祖爲亭長送徒驪山

被酒夜徑澤中令一人行前行前者還報曰前有大蛇當徑願還

高祖醉曰壯士行何畏乃前拔劍斬蛇蛇分爲兩道開行數里醉

困卧後人來至蛇所有一老嫗夜哭人問嫗何哭嫗曰人殺吾子

人曰嫗子何爲見殺嫗曰吾子白帝子也化爲蛇當道今者赤帝

子斬之故哭史記高祖本紀

漢

高祖元年十月五星聚東井以曆推之從歲星也此高皇帝受命之

符也漢書天文志高允曰漢元年冬十月五星聚於東井此乃曆術之

淺今譏漢史而不覺此謬恐後人譏今猶今之譏古崔浩曰所謬云何允曰案星傳金水二星常附日而行冬十月日在尾箕昏沒於申南而東井方出於寅北二星何因背日而行是史官欲神其事不復推之於理浩曰欲爲變者何所不可君獨不疑三星之聚而怪二星之來允曰此不可以空言爭宜更審之時後歲餘浩謂允曰先所論者本不注心今更考究果如君語以前三月聚於井非十月也魏書高允傳○二年關中大饑米斛萬錢人相食令民就食蜀漢漢書高帝本紀

惠帝二年宮中雨黃金黑錫

述異記

○三年秋七月都廐災○四年三

月甲子長樂宮鴻臺災

漢書惠帝本紀

十月乙亥未央宮凌室災丙子織

室災劉向以爲元年呂太后殺趙王如意殘戮其母戚夫人是歲

十月壬寅太后立帝姊魯元公主女爲皇后乙亥凌室災明日織

室災凌室所以供養飲食織室所以奉宗廟衣服天戒若曰皇后
亡奉宗廟之德將絕祭祀其後皇后亡子後宮美人有男太后使
皇后名之而殺其母惠帝崩嗣子立有怨言太后廢之更立呂氏
子弘爲少帝賴大臣共誅諸呂而立文帝惠后幽廢五行志○七年
雷震南山林木皆自火燃至根其地悉焦黃後其雨迅過人就其
間得龍骨一具述異記

呂后三年夏漢中大水水出流四千餘家○八年三月被霸上還過
枳道見物如倉狗擗高后掖忽而不見卜之趙王如意爲祟遂病
掖傷而崩夏漢中水復出流六千餘家是時女主獨治諸呂相王

漢書五行志

文帝七年六月癸酉未央宮東闕罍恩災東闕所以朝諸侯之門也

罍恩在其外諸侯之象也五行志

後二年四月乙巳水火木三合於東井占曰外內有兵東井秦也

是歲誅反者周殷於長安市

天文志

○三年秋大雨晝夜不絕三十

五日藍田山水出流九百餘家渰壞民室八千餘所殺三百餘人

先是趙人新垣平以望氣得幸爲上立渭陽五帝廟欲出周鼎以

夏四月郊見上帝歲餘懼誅謀爲逆發覺要斬夷三族是時比再

遣公主配單于賂遺甚厚匈奴愈驕侵犯北邊殺畧多至萬餘人

漢連發軍征討戍邊○四年四月丙辰晦日有食之在東井十三

度

五行志

景帝元年漢武帝未誕時景帝夢一赤彘從雲中直下入崇蘭閣帝

覺而坐於閣上果見赤氣如煙霧來蔽戶牖望上有丹霞翳鬱而

起乃改崇蘭閣爲猗蘭殿後王夫人誕武帝於此殿有青雀羣飛

於前成門乃改爲青雀門乃更修飾刻木爲綺橑雀去因名青綺

明述異

記

○四年七月癸未火入東井行陰又以九月己未入輿鬼

戊寅出占曰爲誅罰又爲火災後二年有栗氏事其後未央東關

災

漢書天文志

中元年填星當在觜觿參去居東井其三年五月甲午金木俱在東井戊戌金去木留守之二十日占曰傷成於戌木爲諸侯誅將行於諸侯也○四年四月丙申金木合於東井占曰爲白衣之會

其六年天子四衣白臨邸第

天文志

○五年八月己酉未央宮東闕

災先是栗太子廢爲臨江王以罪徵詣廷尉自殺丞相條侯周亞

夫以不合旨稱疾免後二年下獄死

五行志

後元年五月壬午火金合於輿鬼之東北不至柳出輿鬼可五寸

占曰爲爍有喪丙戌地大動鈴鈴然民大疫死棺貴至秋止

天文志

武帝建元六年熒惑守輿鬼占曰爲火變有喪是歲高園有火災竇

太后崩

天文志

四月壬子高園便殿火上素服五日

武帝本紀

元光二年七月京師雨雹

西京雜記

元狩元年上郊雍獲一角獸若麋然有司曰陛下肅祗郊祀上帝

報享錫一角獸蓋麟云

史記武帝本紀

建章宮後閣重櫟中有物出焉其

狀似麋以聞武帝往臨視之問左右羣臣習事通經術者莫能知

詔東方朔視之朔曰臣知之願美酒梁飯大飧臣臣乃言詔曰可

已飧又曰其所有公田魚池蒲葦數頃陛下以賜臣臣乃言詔曰

可於是朔乃肯言曰所謂騶牙者也遠方當來歸義而騶牙先見

其齒前後若一齊等無牙故謂之騶牙其後一歲所匈奴渾邪王

果將衆十萬來降漢乃復賜東方生錢財甚多

滑稽列傳

元鼎元年汾陰得鼎以聞天子以禮祠迎鼎至甘泉從上行薦之

中山晏溫有黃雲蓋焉有應過上自射之因以祭云公卿大夫

請尊寶鼎曰鼎至甘泉光潤龍變承休無疆合茲中山有黃白

降蓋若獸爲符路弓乘矢集獲壇下報祠大饗唯受命而帝者心

知其意而合德焉鼎宜見於祖禰藏於帝廷以合明應制曰可

武帝

本紀 ○三年正月戊子陽陵園火

漢書武帝本紀

○五年四月丁丑晦日有

食之在東井二十三度

五行志

十一月辛巳朔旦冬至立泰時於甘

泉天子親郊見朝日夕月詔曰望見泰一修天文壇辛卯夜若景

光十有二明

武帝本紀

元封元年秋有星茀於東井

史記武帝本紀

韋昭曰秦分也衛太子兵亂

本紀 ○二年有芝生殿防內中天子乃下詔曰甘泉防生芝九莖

赦天下毋有復作

武帝本紀

大寒雪深五尺野鳥獸皆死牛馬蹢躅如

蝟三輔人民凍死者十有三

西京雜記

太初元年秋蝗從東方飛至敦煌

漢書武帝本紀

十一月乙酉柏梁臺災

先是大風發其屋夏侯始昌先言其災日後有江充巫蠱衛太子

事

五行志

征和四年二月丁酉隕石於雍二聲聞四百里

漢書武帝本紀

帝嘗見彗

星東方朔折指星木以授帝帝以木止彗星星尋則歿也星出之

夜野獸盡鳴別說謂之獸鳴星

洞冥記

○武帝時蜀張寬爲侍中從

祀甘泉至渭橋有女子浴於渭水乳長七尺上怪其異遣問之女

云第七車知我已知寬在第七車對曰天星主祭祀者齋戒不潔

則女人星見

益都耆舊傳

未央宮殿前鐘無故自鳴三日夜乃止帝以

問東方朔對曰銅者土之子以陰陽氣類言之子母相感恐山有

摧陲者越三日南郡太守以山崩爲言

漢武別傳

昭帝始元元年春二月黃鵠下建章宮太液池中秋七月大雨渭橋

絕

漢書昭帝本紀

○始元中太白出東方入咸池東下入東井人臣不忠

有謀上者

天文志

○昭帝時上林苑中大柳樹斲仆地一朝起立生

枝葉有虫食其葉成文字曰公孫病已立後昭帝崩無子徵昌邑

王賀嗣位狂亂失道霍光廢之更立昭帝兄衛太子之孫是爲宣

帝本名病已

五行志

元鳳四年五月丁丑孝文廟正殿災劉向以爲孝文太宗之君與

成周宣榑火同義先是皇后父車騎將軍上官安安父左將軍桀

謀爲逆大將軍霍光誅之皇后以光外孫年少不知居位如故光

欲后有子後宮皆不得進皇后年六歲而立十三年而昭帝崩遂

絕繼嗣光執朝政猶周公之攝也是歲正月上加元服通詩尚書

有明哲之性光無周公之德而秉政九年久於周公上旣已冠而

不歸政將爲國害故正月加元服五月而災見古之廟皆在城中

孝文廟始出居外天戒若曰去貴而不正者

五行志

元平元年昌邑王賀卽位天陰晝夜不見日月賀欲出光祿大夫
夏侯勝當車諫曰天久陰而不雨臣下有謀上者陛下欲何之賀
怒縛勝以屬吏吏白大將軍霍光光時與車騎將軍張安世謀欲
廢賀光讓安世以爲泄語安世實不泄召問勝勝上洪範五行傳
曰皇之不極厥罰常陰時則有下人伐上不敢察察言故云臣下
有謀光安世讀之大驚以此益重經術士後數日卒共廢賀此常
陰之明效也

五行志

宣帝卽位尊孝武廟爲世宗巡狩郡國皆立廟告祠世宗廟日有白
鶴集後庭以立世宗廟告祠孝昭寢有鴈五色集殿前

郊祀志

本始四年七月甲辰熒惑入輿鬼天質占曰大臣有誅者名曰天

賊存大人之側

天文志

元平三年長安雨黑粟

玉海